

आकाशवाणी

पैहले खास-खास खबरां:-

1. सरकारै “प्रहार” नां कन्नै मुख्य दी पैहली आतंकवाद रोधी नीति जारी कीती ऐ- जेड़ी आतंकवाद गी दना बी नैई बरदाश्त करने दे भारत सरकार दे नजरिए पर आधारित ऐ।
2. नमीं दिल्ली दे भारत मं०पम च अज्ज भारतीय निर्वाचन आयोग ते राज्य चुनां आयुक्तें दा राष्ट्रीय गोलमेज सम्मेलन आयोजित होआरदा ऐ। एह सम्मेलन 27 बरे दे वक्फे परेंत लग्गारदा ऐ।
3. इजरायल च भारत दे राजदूत जे.पी. सिंह होरें आखेया जे प्रधानमंत्री नरेन्द्र मोदी हुंदी इजरायल यात्रा ऐतिहासिक साबित होग। उनें आखेआ जे समां आई

गेदा ऐ जे रणनीतिक सांझेदारी गी नमीं ऊंचाई तगर
लैता जाई सकै।

4. राष्ट्रीय द्रौपदी मुरमू होर अज्जै थमां महाराष्ट्र,
झारखं ते राजस्थान दे 4 दिन दे दौरे पर।

5. आई.सी.सी. टी-20 क्रिकेट विश्व कप दे इक
मुकाबले च वैस्ट इंग्लैंज नै जिम्बाब्वे गी 107 रन्ज
कन्नै हराया। अज्ज इंग्लैंज दा मुकाबला पाकिस्तान
कन्नै होग।

<><><><><><>

PRAHAR Counter Terrorism Policy

भारत सरकार नै प्रहार नां कन्नै मुखै दी पैहली
आतंकवाद रोधी नीति जारी कीती ऐ जेहड़ी आतंकवाद
गी दना बर्दाश्त नैई करने दे भारत दे नजरिए पर
आधारित ऐ। केन्द्री गृह मंत्रालय आसेया जारी इस नीति
च मुख तौरा पर ध्यान खूफिया जानकारी राएं

आतंकवाद दी रोकथाम, आतंकी ढांचे गी नष्ट करना, आतंकवाद लेई थेहार, रपेया-पैहा ते सुरक्षत आसरमें उपलब्ध कराने आहलें पर रोक लाना शामिल ऐ। प्रहार नीति तैहत आतंकवाद रोधी कम्मं च औने आहलियें रुकावटें ते चुनौतियें गी खतम करना ऐ। इस पालसी च बन्ने पारा आतंकवाद, साइबर हमलें ते हैकरें करी पैदा होई सकने आहले खतरें दा बी जिक्र ऐ। गृह मंत्रालय दा आखना ऐ जे बदलदे दौर दे कन्नो-कन्नी आतंकवाद फैलाने ते अपराध करने दे तौर-तरीकें बी बदला करदे न, इस करियें इस नीति गी इस चाल्ली कन्नै तयार कीता गया ऐ जे आतंकवाद दे कुसै बी चाल्ली दे खतरे कन्नै निबड़ेया जाई सकै ते उसी खत्म कीता जाई सकै।

<><><><><><>

नमीं दिल्ली दे भारत मंअपम च अज्ज भारतीय
निर्वाचन आयोग ते राज्य चुनां आयुक्तें दा राष्ट्रीय
गोलमेज सम्मेलन आयोजित होआ'रदा ऐ। एह गोलमेज
सम्मेलन 27 बरे दे वक्फे मगरा आयोजित होआ'रदा
ऐ। पिच्छला सम्मेलन बरे 1999 च होआ हा। मुख
निर्वाचन आयुक्त ज्ञानेश कुमार सम्मेलन दी अध्यक्षता
करडन। इस मौके पर निर्वाचन आयुक्त ाक्टर सुखबीर
सिंह संधू ते ाक्टर विवेक जोशी बी मौजूद रौहडन।
सारे राज्यें ते केन्द्र शासित प्रदेशें दे राज्य निर्वाचन
आयुक्त अपने कनूनी ते तकनीकी माहिरें दे कन्नै
सम्मेलन च हिस्सा लैडन। एदे इलावा, सारे राज्यें ते
केन्द्र शासित प्रदेशें दे मुख चुनां अधिकारी बी
सम्मेलन च शामिल होडन।

Israel Ambassador Interview

इजरायल च भारत दे राजदूत जे.पी. सिंह होरें आखेया ऐ जे प्रधानमंत्री नरेन्द्र मोदी हुंदी इजरायल यात्रा ऐतिहासिक साबत होग। यरुशलम च आकाशवाणी समाचार कन्नै गल्ल करदे होई उ'नें आखेया जे इजरायल दे प्रधानमंत्री बेंजामिन नेतन्याहू हुंदे कन्नै गल्लबात दे इलावा प्रधानमंत्री होर इजरायल दे राष्ट्रपति इसहाक हज़ोग हुंदे कन्नै बी मलाटी करडन ते इजरायल दी संसद गी सम्बोधित करगडन। उ'नें आखेआ जे जिसले प्रधानमंत्री मोदी होरें 2017 च इजरायल दी यात्रा कीती ही तदू उ'नें नेतन्याहू हुंदे कन्नै मिलियै सरबंधें गी मजबूत करेन दी नीह रक्खी ही। सिंह होरें आखेआ जे हुन समां आई गया ऐ जे इस रणनीतिक सांझेदारी गी नमीं ऊंचाइयें तगर लैता जाई सकै। उ'नें आखेआ जे

दौनें प्रधानमंत्रिये बशकार गल्लबात मगरा केई समझौते
पर दस्तखत कीते जाडंन।



Canada PM Visit India

कनाडा दे प्रधानमंत्री मार्ककार्नी 26 फरवरी गी भारत दे
दौरे पर आवा'रदे न। कार्नी 7 मार्च तगर भारत च
रौहडन। एह यात्रा दौनें मुखे दे सरबंधे च इक नमे
ध्याs दी शुरुआत मन्नी जा'रदी ऐ। पिछली सरकार दे
कार्यकाल च तनावपूर्ण सरबंधे दे मगरा कनाडा दे कुसै
नेता दी एह पैहली आधिकारिक भारत यात्रा ऐ। कार्नी
मुम्बई च बपारिक नेताएं कन्ने मलाटी करगंन। ओह 2
मार्च गी प्रधानमंत्री नरेन्द्र मोदी हुंदे कन्ने उच्च स्तरीय
गल्लबात आस्तै नमीं दिल्ली पुजडन। दवै नेता स्वच्छ
ऊर्जा, आर्टिफिशल इंटैलिजेंस, रक्षा ते तकनॉलोजी दे क्षेत्र

च नमीं सांझेदारी पर ध्यान केन्द्रीत करडन। इस यात्रा
दा मकसद देश व्यापक आर्थिक सांझेदारी समझौते
आस्तै गल्लबात गी गति देना ऐ। इस बपार समझौते
गी इक बरे च खीरी रुप दिता जाई सकदा ऐ। एदा
महत्वकांक्षी लक्ष्य बरे 2030 तगर दौनें मुख्यें बशकार
बपार गी दो गुणा करियै 50 अरब डॉलर थमां मता
करना ऐ।



PM Asset Monetisation

खजाना मंत्री निर्मला सीतारमण होरें नमीं दिल्ली च
केन्द्रीय मंत्रालयें ते सार्वजनिक क्षेत्र दे उपक्रमें आस्तै
परिसम्पति मुद्रीकरण योजना दे दुए गेड़ दी शुरुआत
कीती ऐ। इस योजना दा दुआ गेड़ नीति आयोग आसेआ
अवसंरचना सरबन्धी मंत्रालयें दे सलाह-मशवरें कन्नै त्यार

कीता गया ऐ- जेड़ा केन्द्रीय बजट 2025-26 च घोषित परिसम्पति मुद्रीकरण योजना 2025-30 दे जनादेश पर अधारित ऐ। राष्ट्रीय मुद्रीकरण योजना 2.0 मूजब माली बरे 2025-26 सोया माली बरे 2029-30 तगर 5 बरे दी अवधि च केन्द्रीय मंत्रालयें ते सार्वजनिक क्षेत्र दी संस्थाएं दी परि-सम्पति मुद्रीकरण योजना दे तैहत 16 लकख 72 जहार करोड़ रपे दी कुल मुद्रीकरण क्षमता दी मेद ऐ- जेदे च निजी क्षेत्र दा 5 लकख 80 जहार करोड़ रपे दा निवेश बी शामिल ऐ। अपने सम्बोधन च सीतारमन होंरें राष्ट्रीय मुद्रीकरण पाइप-लाइन 1.0 दी अमलावरी च 4 बरे आस्तै तय 6 लकख करोड़ रपे दा लक्ष्य दा लगभग 90 फीसद हासिल करने आस्तै विभागें ते नीति आयोग दी सराहना कीती।

<><><><><><>

Prez Visit

राष्ट्रपति द्रौपदी मुर्मू होर अज्जै थमां महाराष्ट्र, झारखं ते राजस्थान दे 4 दिन दे दौरे पर रौहडन। राष्ट्रपति होर अज्ज मुम्बई दे लोक भवन थमां राष्ट्रव्यापी अभियान “जीवन बचाना ते सेहतमंद भारत दा निर्माण” दी शुरुआत करडन। राष्ट्रपति होर कल केन्द्रीय आयुष मंत्रालय आसेया बुलठाणा दे शेगांव च आयोजित राष्ट्रीय आरोग्य मेले 2026 च शामिल होडन। ओह नागपुर च ब्रह्म कुमारियें आसेआ आयोजित “एकता ते विश्वास दे राएं महाराष्ट्र दा स्वर्ण युग” दे राज्य स्तरीय शुभारम्भ कार्यक्रम च बी हिस्सा लैगडन। राष्ट्रपति होर वीरवारें जमशेदपुर स्थित श्री जगन्नाथ मंदर दे भूमि पूजन समारोह च शामिल होडन- जेदा सरिस्ता श्री जगन्नाथ आध्यात्मिक ते सांस्कृतिक धर्मार्थ केन्द्र ट्रस्ट- जमशेदपुर- झारखं आसेआ कीता

जा'रदा ऐ। ओह जमशेदपुर स्थित मणिपाल टाटा मैणिकल कालेज दा बी दौरा करडन ते विद्यार्थिये कन्नै गल्लबात करडन। शुक्रवारें राष्ट्रपति राजस्थान दे पोखरण च आयोजित इक प्रदर्शनी च हिस्सा लैडन।

<><><><><><>

AI Rural India

आर्टिफिशल इंटेलिजेंस, भारत च ग्रामीण बदलाव दा इक मजबूत आधार बनदी जा'रदी ऐ। एह छड़ा तकनीकी इस्तेमाल नैई सगुआं समावेशी विकास लक्ष्ये दे मूजब एकीकृत सार्वजनिक अवसंरचना दे तौर पर आकार लै' रदी ऐ। रणनीतिक नजरिए, सुशासन सरबन्धी सुरक्षा उपाए, डिजिटल सार्वजनिक ढांचे, बहु-भाषी मंच, कृषि, सेहत सेवा, शिक्षा, कौशल विकास ते मुकामी प्रशासन

जनेह क्षेत्रें च लोडचदे उपाएं दे राएं ए.आई गी संस्थागत
रुप दिता जा'रदा ऐ।



Jharkhand Crash

झारखंड दे चतरा जिले च सिमरिया कश इक एयर
एंबुलेंस हादसे दा शकार होई गई, जेहदे च सवार 7
लोकें दी मौत होई गई। एह विमान रांची शा दिल्ली जा'
रदा हा। राज्य सरकार दे इक वरिष्ठ अधिकारी नै एह
जानकारी दिती। रेबर्ण एयरवेज़ प्राइवेट लिमिटेड आसेया
संचालित एह एयर एंबुलेंस संजा 7 बजिए 11 मिनटें पर
रांची ब्हाई अड्डे थमां उड़ने दे किश चिर मगरा हादसे
दा शकार होई गई। जहाज च सवार सब्भनें 7 लोकें
दियां लौथां बरामद करी लैती गइयां न। इंदी पंछान
कैप्टन विवेक विकास भगत, कैप्टन सवराजदीप सिंह,

संजय कुमार, डॉक्टर विकास कुमार गुप्ता, सचिन कुमार मिश्रा, अर्चना देवी ते धुरु कुमार दे रुप च होई ऐ।



T-20 World Cup

आई.सी.सी. टी-20 क्रिकेट विश्व कप दे सुपर-8 मुकाबले च कल वेस्ट इंग्लिज नै जिम्बाब्वे गी 107 रन्ज कन्नै हराई दिता। मुम्बई च वेस्ट इंग्लिज नै पैहले बल्लेबाजी करदे होई तय ओवर च 6 विकट पर 255 रन्ज बनाए। परते च जिम्बाब्वे दी टीम 17 ओवर ते 4 गेंदें च छड़े 147 रन्ज गै बनाई सकी। शिमरोन हेटमायर गी मैन ऑफ द मैच घोशित कीता गेआ। अज्ज सुपर-8 दे मुकाबले च इंग्लैंड दी टीम दा सामना पाकिस्तान कन्नै होग। एह मैच संजा 7 बजे शुरु होग।



IMD Weather

मौसम विभाग नै अज्ज बङ्गलै पंजाब च घना कोहरा छाए रौहने दी संभावना जाहिर कीती ऐ। उत्थै गै ओषिशा, पच्छम बंगाल दे गांगेय क्षेत्र, झारखंड ते अंमान ते निकोबार द्वीप समूह च अज्ज हल्की थमां दरमेयान दर्जे दी बरखा होने द मेद ऐ। विभाग नै दस्सेया ऐ जे इस दौरान गरज-बिजली चमकने ते तेज हवा चलने दी बी संभावना ऐ। असम, मेघालय, सिक्किम, उप-हिमालयी, पच्छम बंगाल, छत्तीसगढ़, मध्य-प्रदेश, तेलंगाना ते विदर्भ च बी दिन भर इय्यै नैई स्थिति बनी रौहने दी मेद ऐ।

